



COLEGIO ARUBANO

R.K SCHOOL VOOR CICLO BASICO,
CICLO AVANSA, V.W.O EN H.A.V.O.
VONDELLAAN 14
TEL. 5822005
E-mail: info@colegioarubano.aw

Na e alumnonan di CB1, CB2, H3, V3, H4, V4 y
V5 y nan mayor(nan)/cuidado(nan)

Oranjestad, 2 di juli 2024

COLAUA: 2023/2024–235

Topico: Building Bridges ta recluta alumno

Estimado mayor(nan)/cuidado(nan), kerido alumno,

Colegio Arubano ta participa na un torneo di debate entre e alumnonan di Aruba, Bonaire y Curaçao, 5 di oktober te cu 13 di oktober 2024. E alumnonan participante lo sigui na Curaçao un tayer tocante con pa debati. Entrenadornan profesional di e fundacionnan DebatUnie di Hulanda y di Debat.ed di Curaçao lo ta encarga pa duna e tayernan. Lo finalisa e siman cu un debate entre e alumnonan di e tres islanan. Colegio Arubano ta representa Aruba. Durante e siman lo organisa actividadnan unda e alumnonan di e tres islanan por conoce otro bon. Lo tin excursion pa e lugarnan mas bunita di Curaçao.

Building Bridges

E programa yama *Building Bridges* y ta financia completamente pa e proyecto Erasmus+ di Union Europeo. Colegio Arubano ta buscando 10 alumno entusiasmo cu lo percura pa Aruba bira campeon di e debate final! E gastonan di boleto aereo, seguro, hospedahe, excursion, cuminda y bebida lo ta cubri pa e participante. Tambe lo cubri un compensacion pa dia. Dos docente di Hulandes lo acompaña e ekipo di Colegio Arubano, juffrouw Van Klaveren y meneer Hooyschuur.

Interesa? Manda un mail!

Bo ta interesa pa participa? Manda un mail pa meneer Hooyschuur:

hs.ne@colegioarubano.aw. Pone bo nomber, y bo klas di aña 2024-2025 y skirbi un resumen cortico dicon bo kier participa. Despues di vakantie grandi abo y bo mayor lo haya un invitacion pa un reunion, unda boso lo haya tur informacion di e proyecto, e luga unda lo hospeda, e programa y e seleccion di e participantenan. Fin di augustus lo tin na Colegio Arubano un dia unda por conta di bo motivacion pa participa na *Building Bridges*. Despues lo scohe 10 alumno cu lo bay Curaçao.

Debati na Hulandes of Ingles

E debatenan por tuma luga den Hulandes of Ingles. Si bo no sa un palabra, bo por uza Papiamentu tambe. E participantenan lo uza topiconan cu ta interesante pa e studiantenan. Nos ta buscando alumnonan cu ta haya debate y discusion interesante y kier practica esakinan. Bo mester por compronde y por comunica den idioma Hulandes y Ingles suficientemente. Pero mas tanto bo mester ta entusiasma pa conoce alumnonan di e otro islanan y comunica cu nan tocante temanan actual importante.

Building Bridges ta un oportunidad unico pa conoce, adkiri mas conocimiento y practica e habilidadnan di debate y conoci e bunita isla Curaçao. No ta costa bo nada, y bo lo gana hopi beneficio! Nos ta spera di gana e prome premio pa Colegio Arubano y Aaruba!

Un cordial aludo,
Den nomber di directiva di scol,



T.R. Croes M Ed
Rector